

文殊師利根本儀軌經

才十五

封五

四百九十六

51491



元祿九年丙子二月日重脩

皇圖景固 帝階級昌

佛日增輝 懋輪常轉

山城州天安寺法金剛院置



大方廣菩薩藏文殊師利根本儀軌經心第十五

封

西天譯經三藏朝散大夫試鴻臚少卿明教大師臣 天息災奉 詔譯

略說大輪一字品第十九



爾時世尊釋迦牟尼佛復告諸宿曜天并諸眷屬言汝等諦聽此妙吉祥童子真言儀軌灌頂曼拏羅法護摩儀則汝等一切不得違犯彼持誦行人於最上儀軌求明成就者汝陰陽行步日辰星宿會遇之者汝等當令無智諸惡等輩而為障礙當今佛法一切奉行汝諸天眾為作擁護所有一切諸惡等輩當須降伏發遣勿使得便令諸行人依法而住



爾時世尊釋迦牟尼佛入三摩地名爲出生
一切佛頂消除一切衆生諸惡障難是時世
尊釋迦牟尼佛入三摩地已乃有十方世界
一切如來集詣淨光天上來集會已咸共觀
見世尊釋迦牟尼佛在三摩地是時諸佛各
各前詣世尊釋迦牟尼佛所同聲讚請世尊
不可思議大威德者以大無畏利益世間善
說一切真言儀軌與諸如來所說無異世尊
彼佛頂大輪一字明王具大精進有大力勢最
尊最上於末法時能於世間作大利益決定
能破一切部多及惡星宿乃至摩多囉等起
於惡心作障難者當宜宣說復爲悲愍一切

衆生

又復擁護持誦行人令得如願彼佛頂大輪
一字明王具大精進一切自在唯願如來爲
利樂故說彼明王及與儀軌彼諸如來作是
請已默然而住

是時佛會及三千大千世界佛神以故現大
光明如大火聚於諸世間光所照處無一有
情不快樂者

爾時世尊釋迦牟尼佛周徧觀察告淨光天
所住一切天衆并一切聲聞辟支佛等及諸
菩薩摩訶薩乃至在會諸如來言一切大衆
善聽此佛頂大輪一字明王儀軌乃是一切

如來無邊威力無能勝最上。大輪大明王我
今當說

爾時佛言我三界大師於末法時能調難調
一切天龍夜叉。乾闥婆阿脩羅緊曩羅摩睺
羅伽等乃至種種異類諸惡衆生所有供養
及種種事能令行人一切皆得我說佛頂大
輪一字明王於末法時法欲滅時爲法擁護
若有於此大輪一字明王得成就者乃至於
諸如來法欲滅時能爲佛事復能擁護諸佛
如來一切法藏汝諸天衆及一切衆生當以
深心諦聽諦受即說佛頂大輪一字明日

部林

合二

天等此大輪一字明王乃是諸佛世尊一切
智智真言之相住大悲行一切衆生之師爲
吉祥真言之主此佛頂一字法界如摩尼珠
隨色變異佛說二種界謂有漏無漏界如來
之身具足相界生於世間爲有相尊說有漏
色身分法界無相說爲最上是無相界爲住
大悲行於世間而彼法界說爲無漏分諸天
等此真言之相摩尼無異一切智智亦復如
是而此真言諸佛皆說若爲大地一切之事
皆能成就我今略說若能依法作一切事所
求皆得

復次此大輪佛頂一字明王於佛滅後末去

之時行於世間爲無能勝諸真言主諸佛菩薩悉所受持乃是過去佛菩薩等之所傳說此最上儀軌我今略說若復所在有彼行人專心持誦此大明者於彼所在五由旬內地界之中所有一切諸惡宿曜不能侵近乃至一切諸惡不能爲害至於天人聖賢亦不敢近彼持誦者當自隨意若復更有他人於世間出世間求成就者彼人所有法財種種呪法悉能解除或以吉祥草一把握已誦真言八百徧得數滿已以刀截斷或今自斷若爲呪法彼皆得斷若以吉祥草縛爲人用紅線繫彼人必縛若將瓦器呪八百徧瓦器破壞

彼亦破壞若將芥子以人血染散於地上復以迦尾囉木枝打彼人授打先所說一切調伏法可依法作若爲息災當以乳汁作護摩用酥亦得或增益法亦同此作若作拳可禁一切真言若欲解者心念自解或欲求真言成就者如彼禁成一切皆得成就或求別儀軌成就者同此亦得若此真言成就當用請召或用發遣乃至擁護悉皆可得至於隱身亦可能得若不依呪勅事不成者以酥蜜酪并脂麻合和作護摩八千徧一日三時至七日必得成就必依呪勅若求成天人用濕松木柴八百片作護摩七

夜得成若為降龍用酥蜜酪作護摩來降若
降夜义用酪飯作護摩來降若降夜义女所
用亦然若降一切軋闍婆用無憂樹木柴及
必哩演虞木柴兼花得降及降夜义女龍女
等法同若為星曜用白芥子若為王事亦同
若為婆羅門用花若為吠舍用酥軋酪為
陀用糠及塵土為女人用鹽作護摩若為
女用米綠豆同煮粥護摩若以稻穀花并脂
麻和酥作護摩得一切降伏若一日三時作
護摩滿七日七夜於一切事皆得如願如是
作已如佛頂如來教彼天衆
爾時釋迦牟尼佛為於世間說清淨法告最

上第一佛子言妙吉祥大菩薩我此所說大
輪一字明王一分儀軌廣大尊勝如來天中
天若經劫數說不能盡我今為利益諸眾生
故略而宣說

爾時妙吉祥大菩薩及十方一切諸如來等
於彼淨光天請大無畏正等正覺兩足之
尊為利益末法一切眾生故請說如是廣大
無畏大明王真言所有儀則速得成就
大方廣菩薩藏文殊師利根本儀軌經略說
一字大輪王畫像成就品第二十

爾時世尊釋迦牟尼佛觀察淨光天告妙吉
祥童子言妙吉祥諦聽所有最上大輪一字

明王儀軌先已廣說我今復爲末法之時懈怠衆生鈍根無智不能修習廣大儀法而求成就今爲悲愍諸衆生故更略宣說同最上法當得成就

妙吉祥童子若有持誦行人求最上成就者先求新帛不截茸線者當去塵髮令絕清淨以上妙綵色畫一切世間主最上法王調御丈夫二足世尊寶幢如來轉法輪相圓光晃耀周徧莊嚴於佛前左面畫聖金剛手菩薩次畫梵王右面畫持鬘天人次畫持誦行人於此像前每日三時燒沉水香誦真言十洛叉數圓滿已然後成辦諸法若有行人求輪

成就者先用鑛鐵作輪具十二聲就三長月
吉日起首於像前一日三時燒沉水香誦真
言滿十洛又數滿畢已於十五日獻種種供
養燒沉香以手按輪誦真言直至輪上光出
其功得成就彼持誦人執輪為持明輪王若
他人於光出時得見者彼人亦得神通證又
求繖蓋成就者作清淨殊妙白繖蓋上安金
輪如法作已於像前繖蓋下坐誦真言直至
自起日日三時燒沉香誦真言十洛又數滿
畢已於十五日獻種種供養手驚繖蓋誦真
言直至光焰出手執得成持明大輪王但是
三長月就五日或十五日皆得成就於此成

就之間得了知一切法得一切神通得諸佛
菩薩護念一切衆生尊重於世間中得千輪
王爲眷屬若有求佛頂成就者當作杖可長
一肘用金銀或銅或摩尼等作已手按誦真
言直至光出長受持得隨意爲一切衆生說
法壽命一大劫或求寶瓶成就者用金作瓶
滿盛五寶五穀五藥用白繒蓋口於三長月
吉日起首作法於次月得成就於彼瓶中所
求皆得無盡或求如意寶成就者當以金作
珠或以玻胝迦珠以白繒蓋如儀誦持得成
就於所思求皆得如願如是得住天人中若
有持佛無能勝真言滿一俱胝獲得神通身

如淨光天人壽命一大劫世尊此佛頂王白
傘蓋等若誦十洛叉凡所作事皆得成就如
是無能勝佛頂依別經中儀軌所作所求皆
亦得成就次以佛頂大輪誦十洛叉能成一
切真言明大輪王若有求金剛杵成就者當
用赤檀作獨股金剛杵或作鑲鐵金剛杵
成已於三長月十五日先以五淨水自洗
訖於像前獻種種供養然酥燈一百盞然後
復以香水浴金剛杵訖然以自身奉諸佛
菩薩及此佛頂王白繖蓋及光聚等眷屬然
更結界自作擁護亦擁護同修行人作擁護
已右手執金剛杵於像前坐澄寂身心過夜

初分於夜第二分時專注虔誠誦真言直至杵
上光出彼一切持明天及龍藥叉乃至一切
天人皆來集會讚嘆迎請歸於天上作天輪
王得身如金剛手菩薩金剛力等於一刹那
或須臾間直上色究竟天上住壽一大劫得
見慈氏菩薩瞻禮聽法彼命終後隨願得生
或有求劍成就者當求第一妙好之劍鋒利
無缺者得已收掌先持戒然後就善月吉日
於佛獻大供養手執如前誦法直至光出是
得成就得成就已并及助伴皆得神通復變
自身如十五六歲得飛行自在住壽一劫或
有求雄黃成就者以無畏心於鬼宿直日收

買上好雄黃不得酬價隨索便與得已於三
晝夜淨持戒行復設食齋僧已求哀呪願如
是作已更獻種種供養然酥燈一千盞又三
晝夜齋戒於一切有情發慈悲心以自身奉
獻諸佛并大菩薩然誦真言加持雄黃直至
三種相現是法成就所謂熱相煙相光焰相
思惟如前某事成就若熱相成就者以芥子
大點於眉間得一切天龍藥叉部多畢舍遮
等住南瞻部洲者常來擁護由如侍從壽命
千歲若煙出成就者以芥子子大點眉間得隱
身成就若欲入天龍之中隱身即入得於一
切隱身中爲王壽命三千歲若此焰出用點

眉間得成持明天王變身如天童子相端正
第一超過一切天人并諸眷屬皆得神通住
壽一劫命終之後生兜率天若求三戟義成
就者當用鑛鐵作三戟義先誦真言受持一
年後起一沙塔獻大供養別出衆生會施一
切可受此食者然結跏趺坐右手執三戟義
誦真言直至所座振動百千光明出現是法
成就於須臾間轉身如第二大自在天為持
明天王面有三目具大神通威德自在得大
自在天及一切天人等來雨花供養又得一
切持明天及一切天人悉來雨花供養彼天
人等皆共圍遶住壽一大劫命終之後得生

極樂世界若有人見此成就之時能瞻禮者
亦獲得神通或是起惡心者彼瞻視之間即
皆自退或有求屍成就者於屍林中收一屍
未損壞者於徧身亦不得有盤痕仍須身肢
具足者得已用佉祢囉木四椶釘之彼持誦
人於屍上坐用寶糝作護摩擲糝入口中彼
屍從舌出如意寶見寶出已收之收得寶已
成天輪王或所欲諸般器仗心所思惟皆悉
能得寶光明出照百由旬皆悉晃耀得大隨
意若壽命盡隨樂得生若生人間得四輪王
位命終之後復生無垢世界復有屍成就法
當求如前不壞之屍用四棗木椶釘之擲糝

入口中作護摩得舌出已截取收得已與一
百眷屬同得神通任壽一中劫居妙高山頂
受大快樂命終之後復生人間得大自在若
有求鉤成就者以吉祥草作鉤可長一肘作
已取黑月一日夜用五淨水洗一夜得潔淨

於佛并金剛手菩薩獻大供養然酥燈一

百盞或求金剛鉤亦然以光聚白繖蓋先白
作擁護依曼拏羅儀則結界先加持檄誦七
徧然取四方下位釘之結界訖於夜第二分
時一心專注結跏趺坐以鉤及香花并種種
供養禮拜奉獻諸佛菩薩已右手執鉤誦真
言直至地獄一切有情罪苦消滅已自得神

通再禮諸佛菩薩禮已手執聖鉤行如是人
一切天龍藥叉等遙見作禮住壽一劫命終
之後得見金剛手菩薩住金剛手宮若求慳
成就若得光明出得天輪王若求真言成就
誦彼大輪一字明滿一洛叉畢已一夜清淨
身心無諸雜亂獻大供養已用阿里迦木柴
著火用脂麻及酥蜜酪等和作八千團作護
摩護摩畢真言王自來常如侍從或有求大
自在天成就者於火自在天獻大供養以阿
里迦木柴八千片著火作護摩彼大自在天
即來來時作大惡聲不得驚怖有言問行人
何求誦者白言大自在天我求一切明成就

天言如汝所求一切皆得言訖不現如是所
求那羅延天及大梵天等皆得如願先所說
彼天等成就儀則若作時先深自擁護或有
求降夜又女念彼夜又女名七晝夜用無憂
樹花作護摩即來降伏作七晝夜竟決定須
來來時或求作母或求作姊妹或求作妻或
若不來得病頭裂或降龍女亦同夜又女儀
則若降夜又當三月用酪飯作護摩畢已一
夜身心清淨不得雜亂作大供養獻佛復出
大衆生食奉夜又但意中作念今彼夜又降
我若以酥蜜酪和合八千團近尼俱陀樹作
護摩彼毗沙門等夜又來現當奉獻阿里迹

花闕伽水等毗沙門問言欲何所求誦者言
當日日遣一夜又來當要役使我於百由旬
內凡有所須當隨我願錢所樂去處要當隨
意及藥成就所要皆作彼報言一切皆得或
有求見金剛手菩薩得願成就者當先持誦
精熟已依法修行或三或七重重求法成就
於三長月十五日作大供養奉獻如來及獻
金剛手菩薩齋設衆僧如是作已過夜初分
於夜第二分時澄心思惟觀想金剛手菩薩
如在目前以安息香丸如蓮子大作護摩成
夜一分時若得菩薩衣動及地震動或聞雷
聲是諸天人先來下降雨花次金剛手菩薩

與一切明王及最上明王等眷屬乃至一切
天龍藥叉彥達縛緊那羅等前後圍遶來至
誦所菩薩來已彼在地獄一切有情受大苦
惱者於一刹那頃皆得解脫誦者得見菩薩
祥瑞便禮拜獻闕伽水請菩薩住彼菩薩乃
謂誦者言汝求何事誦者曰或求作天輪王
或求求修羅窟或求一切天人中輪王乃至
求金剛身及菩薩任處亦得至於求金剛手
一切器仗思惟之間悉得生出住壽一大劫
命終之後得生金剛世界乃至諸天悉得如願

大方廣菩薩藏文殊師利根本儀軌經卷第十五 封

把握下於 茸線上而 鑛鐵上音賓 玻胝上普
也別珍 遲反寶名 白曾下疾 綵戟又槍 上居逆反
 一也 去玻璨 反白 反疾 綵戟 又槍 上居逆反
 櫛釘下上 去聲其月 反鉛 白反 幄孟 彦達箭 上魚反



